

lij.

silber vnd edel gestein vñe vnd roß vnd alles das man getreiben vnd getragen mag vnd pfandschaft wie die geschaffen ist verwürcktes gold vnd silber das habend in die leüt zu einer gewonheit genommē das sol erb güt sein. Güt gewonheit wider spricht das büch mit alle harnasch vnd federwat vnd geschütz das wellēt die leüt noch gewonheit das es erbgüt sey.

¶ Was varendes güt heisset.

¶ Was varendes güt heisset vnd hat das ein man in seiner gewer drey iar on rechtlich ansprach von dem der bey im in dem land ist vnd saget im sein güt gewissen das er recht dar zu hab. so hatt er es mit recht inn. Saget aber im sein gewissen das der nicht recht dar zu habe. so hat er es mit vnrecht. hatt er es als ich gesprochen hab hie vor. so hatt er es mit recht vnd wirt nymmer ansprechig. vnd ist vñe darunder vnd behebt es im yeman nicht recht an allen den nutz der da von kommen ist über die frucht den soll er wider geben. Irret aber in ehaft not der es mit recht erben sol. den muß man beitten bis er kompt. so soll man im recht biettē vmb sein recht güt. was anders güt da ist das mit varend güt heisset. hat das ein man in seiner gewalt vnd in stüller gewer zehen iar bey dē die bey im in dem lande seind on redlich ansprach. der selb mag es nimmer rechtlich angesprechen. hat er es mit der gewissen als ich hie vor gesprochen hab. hatt ein man zwentzig iar in seiner gewer. vor den die auffer landes seind. so hat er es rechtlichē in es sy dan als ferre das er würde gāhes gefangē aufferhalb landes oder in nerhalb landes. vnd mag er das beheben als recht ist mit tē die es für war wissend. so soll man im recht thun vmb alles das er anspricht. ¶ Die keiser vnd die künig haben diß gemein recht gemacht. doch habend sy in lenger zeit auff gesetzt an ir güt. vnd tē sch waben habend sy sunder recht gegebē an ir güt als hie vor geschribē ist. Doch habend die keyser den stetten sunder recht verlihen. vnd güt gewonheit ist güt recht. also ist auch güt recht güte gewonheit.

¶ Das gegenwürtig capitel ist von todtleibe also.

¶ Da zwen man geboren seind zu einer todtleibe. da soll der eltest das schwert nemen vor hin. vnd das ander teilent sy gleich. Da zwen oder mer dan ein güt teilent. da sol der eltest teilen. vñd der iüngst welen. Da die sun zu iren tagen mit kommē seind. da sol der eltest brüder seines patters schwert nemen ze todtleib. vnd ist der kind vogt vntz sy zu iren tagen kommend. so sol er es in wider geben. vnd wider reitten wa er es gethan hab. oder ob es i mit raub